

SONOT PENEMIT' REAK' POROB

Onor

Kristre adi manotan dularia Go-Baba, boeha-miserako- jotoko Jisu maran

Tehen do sonot Penemit' Isorak' porob bon manaoetkana. Sonot Penemit' Isorak' porob re do mitten maran' bhed menaka. Sonot Penemit' Isorak' bhed do aboak' patiau reak' asol bhed kana. Abo sanamko do- Uni mitten Isorge sarhao lagitbon hajirakana. Unige Baba Isorge aboren Sisirjauc kanae, Unige aboren Hopon Isor kanae- okoe do aboren Babancaoi' kane, Unige aboren Sonot Atma kanae- okoe do sasonotic' kanae. Noko pe hor' re do- tirejuge reak' dular tonol ar dular sagai menaka. Mit-mit' Kurus cinha benao pichare, abo do Baba ar Hopon ar Sonot Atma bon numetkoa. Mit-mit' Kurus cinha benao pichare, Penemit' Isorak' hahara bhed bon manaoetkana. Girja reak' mit-mit' Sakrament do, Penemit' Isorak' nutum num hotete namokkana.

Nia hahara bhed bujhau laha, Uni thenbon nehorma jemon Penemit' Isorre jaejug patiau taken tabon ar aboak' nia katit' patiau reak' rehet' do Unire takenma. Dela nia motlob lagit', Isor thenbon koema.

Pahil Pat

Kahtuk reak' puthi khon tehenak' pahil pat

Kahtuk Puthi 8: 22-31

"Probhu Isor doe sirjaukede'na, ac'ak' sirjau reak' etohop're Ad reak' kamiko modre pahilak'ge; [23] Pahil khonge, dharti auri sirjau, jaejug khon in don dohoakana. [24] Tinre jahahn jalapuri ban tahékana, ar dak'te perez' jharna ban tahékana, unre in don janamlena. [25] Buru botkoc'ko muthanok' auri khongen tahékana. [26] Tinre dharti ar tandiko se dharti reak' mit'tec' dhuri ho ban benao akan tahékan, un khon in don tahékana. [27] Uni do tinre sermae baisyuet' tahékana unre in do onden tahékana; uni do tinre jalapuri reak' simanakoe thiket' tahékana, unre in do onden tahékana. [28] Uni do tinre cetan sec're rimile baisyuet' tahékana ar ot latarre jharnakoe baisyuet' tahékana, [29] ar tinre jalapuri reak' simakoe benaoet' tahékana jemon dak' do uniyak' niyam bahrete bae sen dareak', ar tinre uni do dharti reak' rehet'e thiket' tahékana, [30] unre inge karigol lekate uni areren tahékana. Dinke din in do kusite' perez'ente uni samahre jao gharic' in rashak'kan tahékana; [31] Uniyak' dharti iaten rashak'kan tahékana, ar manwa iate rashate perez' in tahékana.

Noage Probhuak' katha do.

Seren' Ruarok' Orhe

Coran: Amak' nutum, E Probhu Isor,

Go'a prithimire heran marana!

1. Amak' serman' bengetakre; one Amak' katup' reak' kami kan

Ninda cando ar ipilkoge, onem doho saita'kakatko

mitten manwa doe cele kan ban, onem disayede

ar mitten manwa hopon onem gorojaekan?

2. Enhc Am do uni, Isor khon thoragem hudinkedea
thonok ar mantem abhrankedea
Amak tikin reak kamiko cetanrem malikkedea
Sanamakge uni janga latarrem dohokeda.

3. Mimit bhidi-merom sn-dangrako
He, birren janwarko ho,
Cotren cerek oar jalapuriren hakoko
One dakko renak horkoteko daran.

Dosar Pat

Romiko then bhoranic Perit Paulusak cihi khonak Dosar Pat **Romiko 5:1-5**

Biswas hotetega bon dhorem ocoakana ar ona iatege Probhu Jisu Masi hotete Isor ar abo talare suluk do hoyakana. [2] Nitok' Isorak' daya reak' oka horte bon calak'kan onde do Masire patiau iate bon setarakana. Ar Isorak' thonok nam reak' aste bon raskak' kana. [3] Eken ona do ban, harkhet sasetre ho bon raskak' kana, ente bon badaea harkhet saset reak' jo do soboriye hoeocoya, [4] ar sobori reak' jo do bhage colon ar bhage colon reak' jo do asge. [5] Noa as do bae lajao ocozona, ente Isore emakan sonot Jiu hotete aboak' ontor do ac'ak' dularteye perez' akada.

Noage Probhuak Katha do.

Sarhao Aran

Alleluia!

Baba ar Hopon ar Sonot Atmawak mahima hoyokma;
Menayic, tahekanic ar daraekanic Isorge.

Alleluia!

BHAGE SOMBAT

Sonot Johane olakat leka Bhage Sombat **Johan 16:12-15**

"Ape lai ape lagit' arho adi okoc' kathako menak'tina, menkhan nitok' onako do ohope sahao darelea. [13] Menkhan uni sariyak'ren Jiu tinreye hijuk'a unre uni do hore uduk'apete sariyak'reye ayurpea. Uni do ac'te bae roza, menkhan okatak'e anjom onageye roza ar okatak' hoyok' lagidok' ona hoe badae ocopea. [14] Uni sariyak'ren Jiuge inak' thonoke sodora, ente jahanak'gein cekae ariin roz onage uni do ape thene sodora. Babawak' oka menak'tae onako sanamak'ge inak' kana. [15] Ona iatein meneda, jahanak'gein cekae ariin roz onage uni do apeye badae ocopea.

Noage Probhuak Jisuaik Bhage Sombat do.

Dhorom Galmarao

Kristre ađi manotan đulariđ Go-Baba, boeha-miserako- jotoko Jisu marań

Girđa Gogo do teheń, Sonot Penemiť Isorak porobe manaoetkana. Sonot Penemiť Isorak bhed do- Girđa reak tala ontor re menaka. Aboak paťiau reak asol bhed kana. Miťten Isorre pe jon- Baba ar Hopon ar Sonot Atma. Nia hahara bhed do sadharon manwawak hudiste do ohoge bon bujđuakea. Nia do bujđu reak jinis do bań kana menkhan paťiau reak jinis kana. Nia do ona dular sađai kana oka hotete abo do aboak jionre Penemiť Isorre dularbon nel nametkan.

1. PENEMIT' ISOR DO SANAMKO SAOTEYE ROPORETKANA

“Ape lai ape lagit' arhō ađi okoc' kathako menak'tińa, menkhan nitok' onako do ohope sahao dařelea” (v. 12).

Jisu doe udukabon kana je Isor do aboko khon ađI sańginre do bań menkhan abo saote menaea. Baba Isor do Hopon Isor hotete, abo sanamko saoteye roporetkana. Baba do Hopon saote, ar Sonot Atma do abo sanamko saoteye galmaraoet kana. Nia do tãhē thir hapikok oku katha do bań kana menkhan nia do chirđal, hara-buruk katha kana.

Sonot Penemiť Isor abo sanamko sikhđuanae emabon kana je Baba Isor do abo sanamko saotey tahenkana, abo sanamko saoteye țaramet kana, abo sanamko saoteye sađaiye dohoyetkana ar abo sanamko do Ac sece ayureťbona. Abo sanamko do koejoń-binti, Katha ar Sakramentko hoteteye galmaraoabon kana.

2. SONOT ATMA DO ABOREN AYURIC KANAE

“Menkhan uni sariyak'ren Jiu tinreye hijuk'a unre uni do hore udukapete sariyak'reye ayurpea” (v. 13)

Sonot Atma do abo sanamko Penemiť Isorak khãdri bhedko bađaejoń lagite gořoe emabon kana. Sonot Penemiť Isorak bhed do oku danań katha do bań kana- menkhab ađi marań hahara bhed kana, eken Isorak sađaitege bon bujđuakea. Nia hahara bhed do Sonot Atmawak gořotege bon bujđu nama.

Sonot Atmage, etohop reak Girđa doe lahakeda. Uniak gořo ar ayur hotetege, Girđa do hara-buruena ar lađu idieakana. Sonot Atmawak gořo haťin hotete, bujđu em hotete, paťiau harae hotete, Girđa do lahanti reak đahar reye țarametkana. Nia gopořo do, nia do ayur do ar nia lahanti do- dular re rehetakana.

3. PENEMIT' ISOR TALARE DO GAHIR SOMBONDH MENAKA

“Uni do ac'te bae rořa, menkhan okaťak'e ańjom onageye rořa ar okaťak' hoyok' lagidok' ona hōe bađae ocopea.” (v. 13)

Penemiť Isor tala re do, jãhãń bene-bańiri do bańuka menkhan jaejug dular tonol menaka. Penemiť Isor tala re do jaoge sari dular-dupular menaka. Penemiť Isor- Baba ar Hopon ar Sonot Atma tala redo, tirejug reak saō-saote tãhēń reak marań gun menaka. Penemiť Isor re do- tisge bapagok do bańge hoyoka.

Penemiť Isorak bhed hotete, nia sikhđuana bon namet kana je sari dular tãhēń khan dular tonol do tirejuge tahena. Abo sanamko hō, aboak gharońjre, atu-tolare, disomre ar Girđare do sari dular- dupular janam ocokte, Penemiť Isorak dular re rehetbon tãhē đareyaka. Abo sanam hoř do juda-juda gunko menak tabona, juda-juda lek kamiko menak tabona, juda-

juda parsiko menak tabona- latu- katic menak bona, enre ho, dular tahen khan do- Penemit Isor leka bon hoyoka. Mitzen ti re more gotten katupko menaka menkhan more gotten katupko reak gun do juda-juda menaka. Ona ko juda-juda menak reh, jaoge biched do banuka menkhan sari talmel menaka.

4. PENEMIT ISOR DULARE EMABON KANA

“Ente jahanak’gen ceka ari ro onage uni do ape thene sodora. Babawak’ oka menak’tae onako sanamak’ge inak’ kana. Ona iaten meneda, jahanak’gen ceka ari ro onage uni do apeye badae ocopea” (v. 14-15).

Sonot Penemit Isor do nij lagit cet ho bae kamiyetkana. Penemit Isor do Acak sanamak , manwako lagite emetkana. Uniak dular do saphagea. Ona dular khagirge, Baba Isor do dharti Hopone kulkedea jemon dhartiren hor bancaoko nam.

Noage bhage Isai hoyok reak namuna do. Isai jion reak bhage namuna do Penemit Isorre bon nel nametkana. Dular reak mane do kana-Hatin, emok. Doho hapikat do dular do ban kana; okokak do ban kana. Cet leka goro-gopro, dular-dupular do, Penemit Isor talare nelokkana, onkage abo sanam isai boeha- miserako talare ho, dular-dupular, goro-gopro ar dani hoyok jarutabona. Dan em laha- nijak labh lagit do ban, nijak nutum hoyok lagit do ban menkhan bhiri ontor khon hatin cet jarutabona.

5. AMTAWAK PONTA DO KANA- ISOR MAHIMA EMAE

“Uni sariyak’ren Jiuge inak’ thonoke sodora” (v. 14)

Sonot Atmawak pontha do kana- Babancaoi Isor mahima emae; ar Hopon Isorak pontha do kana- Baba Isor mahima emae. Sonot Penemit Isor talare do jahn harao-jitau reak katha do banuka. Unko talare latu-katic do banuka. Sonot Penemit Isor talare do- jaejug reak dular sagai menaka.

Abo sanam isai boeha-miserako ho, jophon abo sanamko do Sonot Atma hotete bon ayur ocokana- tobe abo sanamko ho- Uni ohe jarutabona. Abo sanamko do- Isor sabasi em jarutabona. Okoe hor do Isorre rehet meane, uni do jaoge joto kam-kaajre Isorge sarhao ar mahimae emaea. Uni hor re do tisce, bada do ban hijuka. Isor re rehet tahente, sanam oktere, uniak sarhao hoyoka ar Uni khon sangin tahen reak mon do ban lagaoka.

MUCAT KATHA:

Dularia Go-Baba, boeha-miserako; Sonot Penemit Isorak bhed do oku dana bhed do ban kana menkhan abo sanamko patiare harak lagit kana. Nia hahara bhed hotete, nia sikhauage bon nametkana je abo sanamko do dular tonol re taken jarutabona cet leka Penemit Isorre dular tonol menaka. Nia hahara bhed do, eken bohok reak hudiste do tisce babon bujhau dareyaka menkhan patiau reak met te neltedo, patiau harakkana. Aboak katic patiau do, Uniak sahai hotetege haraka.

Nehor Koe

Kristre dularia Go-Baba, boeha-miserako, tehen do abo Sonot Penemit Isorak gun bon manaoetkana. Noa do mitzen hahara bhed kana, oka do patiau reak mette koyok jarutabona. Penemit Isor re milau tahen tulucge, aboak koeko debon samaima. Dela aboak jarurakko patiau salak, Probhu then bon koema. **Aboak ro ruar do:**

E Sonot Penemit Isor, aleak koeko luturatalem!

E dulařia Jisu, ale do aleren Girjaren Gućpic, Dhorom Papa Liyo mić gel ponić lađit'le nehorokkana, dayatamte, amak bhor dan te perećkaeme jemon uni do Girja reak sikhauako hotete, Sonot Penemić Isorak bhed do porcar ar Isor dulař sanamko talareye pasnao. Noa lađit' debon koema.

E Sonot Penemić Isor, aleak koeko luturatalem!

E dulařia Jisu, ale do ale dhorom subaren ayuić aleren Bishop Baba- lađit'le nehorokkana, amak sahai uni cetan de jhalkaome jemon uni Sonot Penemić Isor talare menak dulař tonol do, sanam isaı boeha-miserako talareye haćinće, noa dharti doe sohanma. Noa lađit' debon koema.

E Sonot Penemić Isor, aleak koeko luturatalem!

E dulařia Jisu, ale do isaı go- Baba, boeha – miserako lađit' debon koea jemon sanamko talare, dulař-dupulař, goro-gopro, ika-ipika reak sikhauako atańte, helmelre tahente somaj talare, atu-tola talre ar gharońjre, Isor-dulař reak jharna do jaoge nańwa jione haćinćma. Noa lađit' debon koema.

E Sonot Penemić Isor, aleak koeko luturatalem!

E dulařia Jisu, ale do sanam disomren disom ayurko lađit' am thenle nehorokkana, amak sahai de emakome jemon unko do Penemić Isorak ojoćko namte, jaoge dulař-dupulař ar suluk reak daharko pańjaete, helmelre tańhen reak saı rařka sanam jaegareko pasnao. Noa lađit' debon koema.

E Sonot Penemić Isor, aleak koeko luturatalem!

E dulařia Jisu, ale do unko sanam hořko lađit'le koeyetkana okoeren do noa dhuři dhartire okoe ho banućko, ar nia karonte, dharti reak jinisko re, Isorko sendraedekana, unkoak mone tuńumme jemon penemić Isorrege noa jion reak saı maneko bujhaı. Noa lađit' debon koema.

E Sonot Penemić Isor, aleak koeko luturatalem!

E dulařia Jisu, ale do unko sanam juan kořa-kuřiko lađit'le nehorokkana, okoe jionre dulař, ika ar suluk bako atkar nametkan, dayatamte dulař mette beńgetakome jemon amre jion reak saı motobko nam ar jion do bojha leka do bań menkhan mitćen maran dan lekako nel ar rařka salak jionko kemaı. Noa lađit' debon koema.

E Sonot Penemić Isor, aleak koeko luturatalem!

E dulařia Jisu, ale nonde hajir menakko sanam isaı boeha-miserako lađit'le koeyetkana dayatamte amak bhor dante de perećkaleme jemon Sonot Penemić Isorak dupulař reak tonolre tolmitkaleme. Uniak tonol re tahente, jaejug jion nam lađis sahai emalem. Noa lađit' debon koema.

E Sonot Penemić Isor, aleak koeko luturatalem!

Aayurić: E Sonot Penemić Isor, Baba ar Hopon ar Sonot Atma, de beńgetaleme ar bhor dante perećkaleme. Serma sisir dać jaoge, aleak jionre de jařieme, jemon ale sanam dharti manwa do, Penemić Isorak tonol aleak jionrele arjaote, mić din serma disomle țaram namma. Ini aleren Probhu Krist hotete. **Amen.**

Fr. Nicholas Besra SDB